

**Dem Durchleuchtigsten / Hochgebor-**  
**nen Fürsten vnd Herren / Herren Friderichen dem Anderen / zu**  
**Denmarck / Norwegen / der Wenden / vnd Gotten König / Herzogen zu Schles-**  
**wig / Holstein / Stormarn / vnd der Ditmarschen / Graffen zu Oldenburg vnd Delmenhorst /**  
**seinem Gnedigsten König / Fürsten / vnd Herrn.**



**S** haben / Durchleuchtigster / Großmechtigster

König / die aller Eltesten Cabalisten, Magi, Philosophi, vnd andere Erkennere  
 Natürlicher dinge / den Menschlichen Körper (welcher nicht allein von wegen  
 seines verstands / der Vernunft / oder à sapientia, forma, & ab actu iusticiae,  
 sonder auch à substantia & Essentia, vnder allen Geschöpfen vnd Wercken  
 Gottes / das aller Wunderbarlichst vnd wolgeordnetest ist) auff mancherley  
 weis / vnd inn sunderbare partes diuersas, oder inn vngleiche theiler distinguirt  
 vnd vnterscheiden / Damit aber ire meinungen (die bey etlichen etwas dunkel) de-  
 ster bass verstanden werden möchten / habend sy derselbigen Partickel oder thei-  
 ler ein jegliches / eintweder von wegen seines Ampts Facultet / vnd betribs / oder  
 aber auß der habitudine, *egodiabed*, oder vergleichung / die es mit etwas anderẽ dinge (eintweder durch ein  
 Sympathia / etwas in die Züwircken oder verursachen / oder aber auß einer Antipathia / die Natürliche vermischung  
 zü Corrupturen / zü zerstören / oder verhindern) hatte / mit eignen vnd sunderbaren namen genendt / vnd  
 also zü reden signirt vnd bezeichnet / vnd die auff solche weis / den nachkündenden Menschẽ eingebildet vnd zü  
 erkennen geben / Vnder welchen die Aegyptischen Weisen / welche auch züm theil Priester / vnd Göttlicher ge-  
 heimnus grossen verstand / auch Himelischer Wirkung / also Menschlicher vnd Irdischer sachen / ware erkant-  
 nus hetten / (derhalben / daß sy durch lange erfahrung inn fürtrefflicher weisheit geblüet) den Körper getheilt  
 habend in das Haupt / Hent / Brust / vnd Schinbein / Andere aber theilten den inn den Hals / oberen vnd vn-  
 deren Bauch vnd glider / Welcher diuidirung vil Hochuerstendiger Menner / als Hippocrates, Aristoteles,  
 Rufus / vnd vil andere nachgefolget / vnd ire Scripta darnach gestalt haben.

Cabalistae,  
 Magi,  
 Philosophi.  
 Menschen die als  
 ter edelste Crea-  
 tur.  
 Menschliche leib  
 auff mancherley  
 weis zertheilt.  
 Alle teiler wie  
 klein die am  
 Menschlichen leib  
 sind / habend ire  
 sunderbare nas-  
 men.  
 Teiler des leibs  
 von der gleich-  
 formigkeit oder  
 dem ampt genãt.  
 Aegyptische weis-  
 sen / fürtreffliche  
 & cut.  
 Hippocrates.  
 Aristoteles.  
 Rufus.

Diocles Caristius aber / in dem Sendtbrieff / den er an den König Antigonum schreibt / theilt den inn das  
 Haupt / Leib / Bauch / vnd Plasen: Aber Galenus / vnd mit im die Neoterici / habend den bauch vom Leib abge-  
 sündert / Jedoch so seindt auch andere / deren zwar sehr viel gewesen / welche das Haupt / den Hals / den mitlen  
 Bauch oder Leib / Also den vnderen Bauch mit sampt den Lenden / vnd darnach die Glider / als Hent vñ Füß /  
 jedes für besunder theil geacht vnd gehalten haben. Vnd zwar / so were hierauf (also zü reden) schier ein eigen  
 Büch zü schreiben / welcher massen auch etliche neuwe Medici / die Glider voneinander abgefündert / vnd der-  
 selbigen theilen jedem / nicht allein sein eignen Namen geschöpfft / sonder auch sein facultet / sterck / oder mecht-  
 tigkeit / also ir schwache vnd vnuermögligkeit / Nebendt der gleichformigen vnd widerwertigen Natur / Com-  
 plex / vnd Art zü geben haben.

Diocles, Caristi-  
 us.  
 König Antigo-  
 nus.  
 Galenus.  
 Neoterich.  
 Neue Medici.

Eben also vnd auff solche weis / seindt auch die vrsachen oder Primitiuae causae / der züfäll / gebresten /  
 Kranckheiten vnd mengel / Welche solchen vorgemelten Glideren / vnd derselbigen theilen züstandt vnd wi-  
 derfaren / wie auch die Genera vnd geschlechter derselbigen Kranckheiten (deren etliche Intemperies Morbo-  
 sae, eins teils in Similaribus eins teils Instrumentarijs / also aber andere Acuti, vnd wider andere Chronici,  
 Item etliche Curabiles vñ etliche Incurabiles / sambt anderen die hie züläng züerzelen sind / auß der Doctrina  
 oder Lehr vñ vnderweisung / so vil vnd mancherley Hochgelarter / vnd vortrefflicher Menner / vnd nicht allein  
 von C. Celso, Ruellio / vnd Auicenna / sonder auch von vilen anderen / inn so vberflüssiger anzahl der bücher  
 beschrieben / Also das weder derer Authorum namen / noch ihrer geschribnen Bücher tittel / hierin (weil die wol  
 ein Eigen Volumen bederfften) nicht begriffen werden mögen.

Vrsachen der  
 Kranckheiten.  
 Mancherley ges-  
 schlecht vnd spez-  
 cien der Kranck-  
 heiten.  
 C. Celso,  
 Ruell:  
 Auicenna.

Darnach so habend eins theils der vorgenanten / vnd nebens inen etliche andere mer / als Galenus, Era-  
 sistratus, Zeno, Alcmaeon, Pythagoras, Aegineta, Alexander Trallianus, vñ andere / vil vnd mancherley  
 Lehr vnd vnderweisungen / von den geschlechtern / vnd Specien der Humoribus / auß welchem (wann die durch  
 einigerley mangel / oder vberflus / oder vileicht durch ein Intemperiem desolirt / zerstört / corrupirt oder  
 beschedigt) die morbi / inn / bey / vnd vmb dieselbigen Glider / vnd ire theiler / iren vrsprung vnd anfang nehmen  
 solten / auch nicht allein was auß jedem Humore / so der also für sich selbs / oder eintweder durch ein Accidens  
 oder Priuatiõ / auß seiner eignen art gebracht / beschedigt / destruir vñ verderbt were / sonder auch so deren einer  
 mit einem / zweyen / dreyen oder mer anderen fremden vnd widerwertigen Humoribus vereinbart / was als daß  
 darauff für morbi entstehn / erwachsen / sich generirẽ vnd geben solle / an tag gebẽ / Also vnd gleicher massen /  
 haben Apolonius Memphytes, Xenophon Cous, vnd vil anderer mer / auch von der Natürlichen / vnd den  
 wider oder vber die Natur seynden dinge geschribẽ / Do sy der ersten / welche die form vnd das wesen Mensch-  
 lichem Körper mittheilen / vnd in die Constitution desselbigen eingehn / darin zünehmen / sich meren / vnd den  
 Leblichen Geist Vegetiren vnd erhalten / Sibne / Der mitlen aber / welche der Menschlichen Natur züwider /

Galenus.  
 Erasistratus.  
 Zeno.  
 Alcmaeon.  
 Pythagoras.  
 Aegineta.  
 Alexander Tral-  
 lianus.  
 Humores man-  
 cherley.  
 Ding so wider  
 die natur.  
 Apolonus.  
 Memphytes  
 Xenophon.  
 Sieben ding.